

Broj: 01-04-2- *346/2020*

Sarajevo, *20.11.* 2020. godine

Na osnovu člana 20. Statuta Fonda za zaštitu okoliša Federacije BiH („Službene novine Federacije BiH“, broj 33/06, 1/15 i 62/19), te odredbi člana 70. stav (3) Zakona o javnim nabavkama („Službeni glasnik BiH“, broj 39/14), direktor Fonda za zaštitu okoliša Federacije BiH donosi sljedeću

ODLUKU

o izboru najpovoljnijeg ponuđača

I

Najpovoljnijem ponuđaču - grupi ponuđača INFODOM d.o.o. Sarajevo i TENEO d.o.o. Sarajevo, broj ponude: PN 05/2020 od 05.11.2020. godine, u postupku javne nabavke usluga licenciranja i održavanja programskog paketa za obračun plata za potrebe Fonda za zaštitu okoliša Federacije BiH, dodjeljuje se okvirni sporazum o nabavci usluga licenciranja i održavanja programskog paketa za obračun plata za potrebe Fonda za zaštitu okoliša Federacije BiH u iznosu od 15.000,00 KM bez PDV-a.

II

Ova odluka objavit će se na web stranici Fonda za zaštitu okoliša Federacije BiH istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke, broj: 01-04-2-263/2020 od 31.08.2020. godine. Javna nabavka je sprovedena putem postupka konkurentskog zahtjeva za dostavu ponuda. Ukupna procijenjena vrijednost javne nabavke bila je 15.000,00 KM bez PDV-a.

Obavještenje o nabavci broj: 1382-7-2-46-3-22/20 objavljeno je na e-Portal javnih nabavki dana 20.10.2020. godine u 10:52 sati, dok je na osnovu člana 9. stav (5) Uputstva o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „E-nabavke“ („Službeni glasnik BiH“, broj 90/14 i 53/15), Poziv za preuzimanje tenderske dokumentacije u sistemu „E-nabavke“ upućen sljedećim privrednim subjektima putem e-maila:

- LOGOSOFT D.O.O. SARAJEVO, ul. Grbavička br. 4, 71000 Sarajevo, elmin.bandic@logosoft.ba;
- BOSNIEN BUSINESS SYSTEMS D.O.O. SARAJEVO, ul. Kranjčevićeva br. 39, 71000 Sarajevo, navision@bbs.ba, elma.crljenica@bbs.ba;
- INFODOM D.O.O. SARAJEVO, ul. Franje Račkog br.3, 71000 Sarajevo, info@infodom.ba, alan.catic@infodom.ba.

Tendersku dokumentaciju, broj: 01-04-2-2754/2020 od 20.10.2020. godine (u daljem tekstu: tenderska dokumentacija) preuzelo je 11 (jedanaest) ponuđača, dok je u skladu sa provedenim postupkom javne nabavke ponudu dostavio sljedeći ponuđač:

	Broj protokola	Naziv/ime ponuđača	Datum i sat prijema
1.	U-04-3541/2020	grupa ponuđača INFODOM d.o.o. Sarajevo i TENEO d.o.o. Sarajevo	10.11.2020. u 11:10h

Krajnji rok za prijem ponuda bio je 10.11.2020. godine do 12:00 sati.

Komisija za javnu nabavku formirana Rješenjem o imenovanju komisije, broj: 01-04-2-323/2020 od 04.11.2020. godine (u daljem tekstu: Komisija) pristupila je javnom otvaranju ponuda dana 10.11.2020. godine u 12:15 sati, te je konstatovala da je dostavljena ponuda navedenog ponuđača blagovremena i prihvatljiva, o čemu je sačinila Zapisnik o otvaranju ponuda, te kopiju istog dostavila navedenom ponuđaču putem e-maila u skladu sa članom 63. stav (6) Zakona.

U skladu sa članom 63. stav (7) Zakona, Komisija je provela postupak provjere kvalifikacije ponuđača i ocjene ponude na zatvorenoj sjednici, te je nakon izvršenog pregleda i ocjene iste utvrdila da ponuda grupe ponuđača INFODOM d.o.o. Sarajevo i TENEO d.o.o. Sarajevo, broj ponude: PN 05/2020 od 05.11.2020. godine sa ponuđenom cijenom u iznosu od 15.000,00 KM bez PDV-a, ispunjava sve uslove propisane u tenderskoj dokumentaciji.

Tačkom 5.12. tenderske dokumentacije Ugovorni organ je odredio da će se nakon prijema, otvaranja i analize ponuda provesti e-aukcija u skladu sa Pravilnikom o uslovima i načinu korištenja e-aukcije („Službeni glasnik BiH“, broj 66/16).

Obzirom da je zaprimljena 1 (jedna) prihvatljiva ponuda, u skladu sa članom 3. stav (3) Pravilnika, ugovorni organ nije mogao zakazati e-aukciju, te je postupak okončan u skladu sa članom 69. Zakona.

Nakon provedenog postupka provjere kvalifikacije ponuđača i ocjene ponuda, Komisija je sačinila i dostavila direktoru Fonda za zaštitu okoliša Federacije BiH Zapisnik o pregledu i ocjeni ponuda, broj: 04-2-107/20 od 18.11.2020. godine koji ujedno predstavlja i Izvještaj o radu Komisije, zajedno sa Preporukom o dodjeli okvirnog sporazuma ponuđaču, broj: 04-2-108/20 od 18.11.2020. godine.

Uzimajući u obzir rezultate provedenog postupka, odnosno činjenicu da je kriterij za izbor najpovoljnijeg ponuđača najniža cijena ponude, kao jedina najpovoljnija ponuda u predmetnom postupku javne nabavke smatra se ponuda grupe ponuđača INFODOM d.o.o. Sarajevo i TENEO d.o.o. Sarajevo, te se okvirni sporazum o nabavci usluga licenciranja i održavanja programskog paketa za obračun plata za potrebe Fonda za zaštitu okoliša Federacije BiH dodjeljuje grupi ponuđača INFODOM d.o.o. Sarajevo i TENEO d.o.o. Sarajevo, broj ponude: PN 05/2020 od 05.11.2020. godine sa ponuđenom cijenom u iznosu od 15.000,00 KM bez PDV-a.

U skladu sa naprijed navedenim, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke može se izjaviti žalba u roku od 5 (pet) dana od dana prijema ove odluke.



Dr.scī.oec. Fuad Čibukčić,
direktor

Dostaviti:

- ponuđaču
- Sektor za finansije
- a/a